


OMUKWETU

Registered at the General Post Office as a Newspaper

“Indeni muupilisteli___” Haushiku ta hiya



Omumbisofi B. Haushiku ta popitha oshituthi mOkatana

“Okuninga mpaka ongeleki onkwa-Afrika noyAanamibia yoyene, osho eyamukulo tu na oku li konga kepulo lye tu thikamena momimvo 50 tadhi ka landula;”

Osho omumbisofi gwOngeleli yaKatolika muNamibia, Bonifatius Haushiku a popya omasiku ga zi ko mOkatana.

Egongalo lyaKatana mUukwambi popepi nOshakati, o-lya li lya gwanitha omimvo 50 eti 27.6.1982. Aakriste yOngeleki ndjika ya za Owambo ayihe, oKavango sigo Uushimba, oya li ya gongalele mo.

Iilyo yOngeleki dhilwe wo mOwambo, oya dhana pamwe oshituthi shika.

Mepopitho enene lyoshituthi, omumbisofi Haushiku, okwi igidha nokuhiya iilyo yomagongalo gOngeleki ye:

“Mpaka napu kale Ongeleki yaavalelwamo, haNgeleki yaatumwa nohaNgeleki yaakolonyeki. Ihe omekwathano wo nOngeleki ayihe muuyuni.”

Omuwilikingeleki Haushiku, okwa simaneke pombanda nomontaneho yoshituthi aatumwa ayehe ya yakula mehala ndyoka muule womimvo 50, dha zi ko.

Okwe ya tumbula oogumwe noogumwe komadhina. mboka ya kotha po naamboka ye li natango momwenyo.

Mokati kaatumbulwa koshito, omutumwa Johannes Helfrich (Pata) nomuyakuli gwe Josef Frans (Bruta), aadhiki yegongalo lyaKatana.

Osho wo okwa pandulile aavalelwamo ekwatho neigandjo lyawo kaatumwa aakwiilongo, shoka a ti kutya osho sha vulikitha ombuto ya kunwa mpeyaka yi mene.

“The okuza mpaka otatu tsikile ngiini?” osho a pendu tha ngeyi omadhiladhilo gaapulakeni. Okwa tsikile:

“Onakuyiwa yOngeleki ndjika, otayi tegamenwa ashike, uuna omukriste kehe ta kala u uvite uugumbo mOngeleki ye, a hempulule; mpaka opu na Ongeleki yandje.

“Shika otashi tsakanithwa wo ashike uuna taku monika aavalelwamo taa igandja komaithano agehe gOngeleki nokeyakulo lyayo, ya tunge elongelokalunga pami-thigulilwakalo dhaavalelwamo, hadhaakwiilongo nando.”

“Indeni muupristeli yamwameme aagundjuka, ndika o-lyo eindilo lyandje,” osho a tumbula nomutima gweetha ohenda.

Manga omukalelipo gwOngeleki ya ELOK moshituthi shika, Amushanga omukuluntu, omusita Petrus Shipena nomukalelipo gwOngeleki yaBaptist mOshakati o-

Tala kep. 4

NAMIBIA LA TUMBULWA MUSTRAVANGER

Etumwalaka kEengeleki Eenghwalu ther

Oshoongalele shOvakwaluther, osha ongalele muStravanger shaNorwee, oule womafiku 9, Ovakainhu novalumenhu ve dule 140 va dja oilongo 34 omo va li.

Oshoongalele osha ifanenwe muMai kOngongahangano yOvakwaluther okukundafana oshilonga shEtumo nokweevaangelifa. Hamushanga wouteku wopakriste mu ELOK, Dr. Tomas Shivute, oye kwa li a kalela po ELOK.

Konima yeenghundafana, opa shangwa omukanda oo wa tuminwa Eengeleki adishe Eenghwaluther mounyuni. Otai landula apa:

Otatu mu shangele ava twa kala moshoongalele shovanashilongatumo. Vahapu vomufye otwa li ovalumenhu novanashilonga. Omolwaasho hatu mu shangele nye mu tale noshisho shinene pamwe nafye onakwiwa yEtumo lopakriste nokuholola po osho sha shima.

Otwa kundafana shihapu ngaashi:

— Otwa koneke kutya moilongo ihapu omaongalo otaa koko. Ovakriste tava ningi omongwa wolela nokuhepaulula eitavelo lavo. Otava longo va ete po elunduluko monghalo ihee na ouyuki.

Eshi otashi ningwa ngaashi mu SA, muNamibia nomuLatin Amerika.

— Otwa mona yo kutya Ongeleki muKiina, oi na omwenyo.

— Osho twa udu nomahepeko ookaume muEtiopia nekoko lOngeleki moshilongo osho.

— Otwa koneke yo eenghendabala dovakriste vamwe mounyuni tadi ehene komesho okweeta po ombili. Nopeemhito dimwe tashi ningwa neliyambo linene nokuli.

Ashike otwa uda yo kutya:

— Moilongo ihapu omo mwa kala shito ovakriste va pama, Ongeleki oya shuna paife monima mehepaululo layo.

— Vahapu paife ove li ashike ovakriste edina.

— Vamwe hava ulike ashike eitavelo lavo momalongelokalunga Oyoondaxa, ndele Omaandaxa fiyo Olomakaya, eitavelo kave li na.

Ohatu ningwa nai keenghundana da keshe fikudoita meenhunhu daFalkland, Malvinas, muIran nalraq, komangwandjilafano muAmerika lopokati nolokoumbuwanhu, Afghanistan, Oushilo wopokati nomuPoland.

Ehepu lomahepeko, lenyonauno loinima nolokuhhee na mbili, olile, onghe monghalo ei hatu mu shangele opo fye atusheni tu twaafaneni omukumo.

1. Etumo laKalunga otali twikile

Jesus Kristus, Omwene omunyumunwa, ou a pe-wa eenghono adishe meulu nokombada yedu, ota ende pamwe nafye efiku keshe. Ote tu twala mouhamba waye, omo oshili, ouyuki nombili tai pangele. Oye ouyelele wetu nande a fa a hondama.

Pomafimbo nomafimbo ohe liholola kufye meudifo lOndjovo yaye yedimepo lomatimba momaongalo etu aeshe nomokukalamwenyo akushe kwOngeleki. Meshasho lovakriste nometukulo lOuvalelo Uyapuki.

Ote liholola mokukundafana kumwe ile omokuyandja pamwe ehepaululo leitavelo letu, moipafi.

a) Ei oyo oinima tu na okutwikila hatu popi, hatu lombwele keshe umwe, hatu pamekafana meitavelo notu kaleke eteelelo lakeshe umwe li kale li na omwenyo.

Omwene tu mu longele mokati kounyuni ou. Oye e tu yukipalifa pafilonghenda laye. Omwenyo tu kwete, eliko laye.

b) Natu popyeni hano oinima ei kuvahapu ovo inava uda natango ondaka yaye ei inyenye. Luhapu oshi li ngaho kutya ihatu dulu okukalafana nombili, osheshi inatu tambulafana ngaashi Kalunga e tu tambula.

2. Etumo laKalunga apeshe otali ende pamwe neendjovo noilonga

Okushikula Kristus moshilonga shaye shetumo, otashi ti okukala omuhongwa waye meendjovo nomoilonga.

1. Oshitine shimwe shovanhu mounyuni, osho ashike shi li ovakriste. Eemiliyona dihapu inadi uda natango sha shevangeli. Natu twikileni oshilonga shomutumwa kwava inava hangika natango kevangeli lomohole yaKristus.

2. Eendjovo adike, ile oilonga aike, inal wana. Jesus okwa udifa nokwa velula.

Mukristus ohatu dimbulukwa oufudime wetu, kutya ohatu popi "omungome womenyo", nopefimbo tuu olo, ohatu lidimbike ondjala yovanhu yomedimo.

MuStravanger

Da dja kep. 2

Ndelenee muKristus ohatu udu ko nhumbi inashi wana okufya ashike oshisho shomungome wovafindjala, fye hatu efa okuudifa nokuhepaula edina laJesus, opo ovafindjala ve uye meitavelo nova xupifwe muye.

3. Onghalamwenyo yetu vene oyo eudifo. Omwene omunyumunwa, opo e li nale moilonga yetu, eshi ta longo mufye mOmhepo Iyapuki. Hamoku mu popya amuke.

Kape na mounyuni eenghono tadi dulu okungabe-ka eudifo loludi eli. Jesus eshi a hepekwa, a fya nokwa nyumuka, okwa udifa ngaha eudifo liyela kukeshe umwe.

4. Onghalamwenyo yeongalo letu, nayo eudifo. Oukumwe wetu mOuvalelo Uyapuki, tau ifana tuu vakwetu ve uye kufye? Eedjo adishe deongalo letu, mwa kwatelelwa yo nodemona letu, tadi kwa-fa tuu vakwetu?

Ovakelefiti poilonga yavo, poushiinda naapeshe o-po Kristus ina shiivika po shito, tava ningi tuu eembangitavelelo laye?

3. Etumo laKalunga otali pula elongelokumwe laavesine

Elongelokumwe lomaongalo oshinima sha fimana moshilonga shetumo. Ohatu fikamenwa komapulo manene, nenyamukulo lao ngeenge tali monika, osho tashi xupififa onyuni.

— Okalamauka pokati kOvauninginino nOvau-shilo mefiyafano lihee na eendunge okulonga olwifo yolute.

— Omwaka pokati koipuna novafyoona nokuhaudafana ko pokati kaavo va ama koumbangalanhu naavo va ama koumbuwanhu.

— Euditoshisho linene nomhumbwe yaavo kave shii vali kulikwafa vene, eenhauki, ovakaenoi-longa, eengholwi domakaya nodomalodu noonakuhepekwa ile ovo va efuwa.

— Ondjoko idjuu, osheshi apeshe fiyo onena oku na ovo inava uda evangeli, ve li dimbwa ile inave li tambula.

Otwe lipumbweni moshilonga eshi shEtumo la-Kalunga mounyuni. Ongeleki nOngeleki, eongalo neongalo.

Likundeni nye mu tu shangele mu hokolole eteelelo leni moshinima eshi, eewino deni, eemhumbwe deni nomikundu deni.

Ouhamba waKalunga otau uya, omaudaneke aKalunga oshili. Natu endeni pamwe naKristus meitavelo a tya kufye.

Hanye mwa hoolola nge, ndelene ame nde mu hoolola nonde mu ifana mu ye ko nye mu ime oii mati, noiimati yeni i kalelele Joh.15:16

Omimvo 40 mondjoko ya ELOK

Ondjokonona ya Adelheid Hango

Omulongi Adelheid Hango, Oniimwa ndi okwa tsakanitha omimvo 70 esiku 1.7.1982. Aantu ya za kokule nopopep oya li megumbo lye okudhana oshitu thihambelesho shika.

Kuku gwaNangula ngaashi ti ithanwa: omuntu oushi oku mu yeleka nonan yoposhikongo ndjoka ya kala kondjo ko omimvo 43. Osho a longo mu ELOI nomoshigwana shika. Otashiyelithwa kondjokonona ye ndjoka ya gandjwa moshituthihambelesho shevalo lye. Otay landula mpaka:

Kuku Adelheid, okwa valelwa mOmukunde mUukwambi 1.7.1912. Osikola yepatudho okwa yi endeke puElim. Poomvula dhe 12, he Shigwe dha shaHango, (Festus Hango) mwene gwoshi topolwa shuuzilo wUukwambi, okwa kundan osikola yaakadhona tayi tameke kEngela. Ok e mu kongele ehala.

MEngela okwa adha mo omulongi omudhiki gwa sikola yaakadhona, meme Suoma Horvoner Omukokoli nguka, gwaNangula ote mu hokolol uudhiginini neidhidhimiko lye.

Ongula otaa kala mootundi, omutenya otaa y momikunda, ya ka konge iihenguti yekumbc Manga yamwe taa gandja oombasikena. Gwa Nangula ta ti:

“Ndele omuntu otu undulwa nee.,,

Pethimbo ndyoka ondjala mosikola oya li p omukundu omunene. Ye mwene okwe yi hokolol ngeyi:

“Omwiha katu gu shi. Omunelago oye ngoka po

Tala kep. 4

OMIMVO 40 MONDJOKO


Da dja kep. 3

mulongo, ta matuka tango a mone oka ata koka-kopi kontaku. Hewa Kalunga a kwatha nomimvo dha pu ko, iilonga ya tsakana nenongeli lya mono omahala gokulala.

Omumvo 1927 omo a hulitha enongelo lye mEngela. Okwa langekwa omulongi omukwathi pomusheshe. Mpoka okwa adha po omulongi omukulu tatekulu Gottlieb Hangula (Kalefule nenge Kadedu, hakutiwa).

Shika okwe shi hokolola neidhino enene sho a ti:

“Omolwoluhepo lwaalongi, nda langekwa ihe mpoka aniwa. Tatu ningi nee naanona ndi lya ko, sigo opehulilo lyomumvo 1928.”



Sestela Hatumar, gumwe gwaamboka ye li momwenyo natango nokwa longo ethimbo ele megongalo lyaKatana.

Haushiku ta hiya

Dha za kep. 1

musita Edmund Kandume inaa gandja omakundo gawo, omumbisofi Hashiku okwa hulitha oshipopiwaui-tho she nomatumbulo ngaka:

“Eitaalo lyetu olyomuKalunga, onkene Ongeleki otayi ka koka. Otwi itaala Omwana, oonkondo dhetu notwii-tala Ombepo Ondjapuki etegameno lyetu negameno...”

Natango tuu he, (Shigwedha shaHango) ngoka a kala noshimpwiyu oshinene shomwana, okwa popi nomusamane omulongi Erkki Laurmaa Lehto. Nopo ihe okwa taambelwa mokuwiki. Oya taambwa aakadhona 3. Osha li 1929.

Mpaka otashi yele wo nawa koonkambadhala dhomusamane Shigwedha omolwomwana shoka dhe etitha eyambeko enene mOngeleki nomoshigwana. MOmumvo nguka gwaakulupe, otatu simaneke pombanda eitulomo lyaantu mboka ya li po ohela, sho ye tu tungile onena tu shi okukalamo.

GwaNangula ta dhenge ootundi moseminali, sigo 1931. Okwa tumwa a ka ninge omulongi kosikola yaakadhona hoka a putudhilwa ko, kEngela.

Okwa kala ko omimvo 4, nopo okwa tembudhilwa kOnayena 1936. Omumvo 1937 okwa tembudhilwa ishewe a ninge omulongi kOniipa.

Inatu tseyo omusamane Shigwedha nAakwambi, nkene ya li yu uvite okakadhona kawo sho taka dhogwaadhogwa ngeyi nuuyuni. Otatu ya pandula sho inaa ninga nando eimbo lyako.

Omumvo 1938, Adelheid a pewa etsikilosikola mOniipa, i ihumithe natango komeho. Omumvo 1939 ya tumwa natango kOngeleki aakadhona 3 ya ka tsikile kuStofburg.

Osikola ndjika oyo ndjoka tayi ithanwa methimbo lyetu osikola yokombanda yaTurfloop, mu S. Afrika. Oya kala ko ashike omumvo gumwe, omolwiita yaHitler.

Omumvo 1940 okwa tumwa a ka longe okagumbo kOshigambo. Sigo onena okwa fa i ilwete nkene e li omulongi mpeyaka. Ote shi hokolola ngeyi.

“O, pethimbo ndiyaka oosikola ndhoka ohadhi taamba aakadhona aanene naale omuntu oho ya tala ihe to ligamene wa fa wa limbililwa. Ihe ohashi piti owala nawa.”

Pehulilo 1941, gwaNangula a gwedhele ishewe oshimpwiyu kushono e shi na nale shuulongi. Okwa taamba ondjokana nomuholike gwe tate Titus Mwandu.

Oku uvite ayihe okwe yi pewa kuKalunga noku na oku yi gwanitha. Osho a ningi.

Kuku Adelheid a shuna ngeyi kegumbo kOniimwandu, a tsikile iinakugwanithwa ye mbika. Pameho getu aantu' okwe yi tsakanitha.

Mondjokana oya pewa aakadhona yaali naamati yaali. Aakadhona ayehe aalongi ngashingeyi. Oyu uva ko oshilalakanenwa shayina.

Tala kep.5

Omwedhi gwetumo mu ELOK

ELOK a ponyonenwa iina-kugwanithwa yaatumwa ye

Elelongeleki lya ELOK lyeti 21-22.6.1982 mO-niipa, konima yoonkundathana dhalyo oonde no-mukuluntutumi gwehanganotumo lyaSoomi, Dr. Henrick Smedjebacka, omolwaatumwa ya ELOK kuSenegal, olya tokola kutya;

1. ELOK ota taamba elalakano lyelunduluko lyo-shitokolitho VII sheuvathano pokati ke nEha-nganotumo lyaSoomi mokulonga etumo kuSene-gal.

Ihe okutula oshitokolitho shoka miilonga, ELOK okwa pumbwa okukala manga omutumba ethimbo a tale nkene ta ka tsikila neuvathano epe.

2. ELOK sho inaa hala okukala eimbo moshilonga-tumo kuSenegal, naatumwa ye sho ye li ngashi-

Omimvo 40 mondjoko

Dha za kep. 4

Mupya munene, ihe nasho eputudho wo lyaKa-lunga komupiya gwe, omusamane okwa hulitha po oondjenda dhe 1980 nakuku gwaNangula ota tsikile ngashingeyi awike neputudho lyoyana.

Umumvo 1975, okwa yakulwa mo moshimpwiyu she shuulongi, a tsikile neputudho lyoyana naa-tekulu megumbo. Eeno, omuntu ou uvite kutya osha gwana okukala ngaaka.

Moshituthihamblelo shomimvo 70, ota monika natango olutu lwa fa lwoopala. Oompando noo-ngolo otadhi inyenge nawa. Ashike ota lifi omu-tima.

Omutima gwe ohagu loloka. Ina vulithwa okutidha uuyuni, ye ina loloka sho a kala ta kondjele she mwene. Okwa li a kwiinina oshigwana she nO-ngeleki ye, e yi thikithe monakuyiwa yi shi o-kwiinekelwa.

Tangi sho twe mu pelwe ngeyi e tu iyambe. Si-go onena osho ta tsikile. Ongalo ndjoka e yi u-mbilwa moshituthi shomimvo 70, kayi shi nando oshona ine yi sila nando olwiho. Okwe yi gandja kOngulu yaKalunga.

Omuwa ne mu gwedhele natango omasiku oma-wanawa sigo opehullo.

Sebulon Ekandjo

ngeyi hwiwaka inaa edhililwa mo we mefaneko ndika epe lyelongelokumwe;

Shika osha thiminike ELOK, a ninge etokolo o-



Omusita Paulus Heita negumbo lye, aatumwa ya ELOK yotangotango kuSenegal. Otaa vulu ashike okutsikila ngele opu na iimaliwa.

kwiithana ko aatumwa ye pamalufu gomafudho gawo, uuna taga thiki.

Ko ku kale itaaku tumwa we manga aatumwa aa-pe, sigo uuna ndoka Ongeleki yoyene tayi vulu o-kugwanitha oompumbwe dhaatumwa yayo yene.

Kalunga na gandje Ombepo ye Ondjapuki oku-wilika oshilonga shika sha tamekelwe nale na-wa. Ongeleki otayi tsikile okugalikanena oshilo-nga shetumo shi hume natango komeho.

Tala kep. 6



Omulongi Justus David negumbo lye, aatu-mwa aatiyali kuSenegal. Iilyo yOngeleki, otayi zimine tuu pamwe netokolo lyElelongeleki kutya naa ze ko manga, manga tatu gongelwa iimaliwa?

10 ya yapulilwa oufita mu ELOK

Ovalihongi vouteologi, opanyasha lela 10, ova ninga eano lavo moshilonga shoufitaongalo eti 11.7.1982 mOngwediva.

Aveshe va hongwa mofikola yOngeleki mOti- mbingwe, eyapulo lavo ola ningwa mumwe no- shivilo shedimbulukwo leedula 112, ovatumwa vo- tete eshi va fika mOwambo.

“Onye yo ovatumwa, otamu ka longa oshilonga shomutumwa, keshe tuu apa tamu ka longa,” osho va kumaidwa ngaha me yapulo lavo.

Eyapulo ola ningwa komumbisofi wOngeleki ei, dr. Kleopas Dumeni. Ovanhu ve dule 600 okwa li va ongalela mo, va dja Owambo aishe.

Enangeko lavo momaongalo oli li ngaha;

1. Martin Nelumbu, muKongo, omufita omu- yakuli
2. Teofilus Nelumbu, Oshakati, omufitawiliki
3. Filippus Haulofu, Edundja, omufitawiliki
4. L. T. Nghole, Okatope, omufitawiliki
5. Nikanor Shuukwanyama, Epembe, Omufitawi- liki
6. Petrus Uugulu, Omuntele, omufita omuyakuli
7. Daniel Hamukwaya, Ongenga, omufita omu- yakuli
8. Joel Alweendo, Olupumbu, omufitawiliki
9. Titus Niitshinda, Etilyasa, omufita omuyakuli
10. Johannes Tolu, Eunda-Ruacana, omufita omuyakuli

Efano kolulyo, omuwilikitumi gwEhanganotu- mo lyaSoomi, dr. Smedjebacka, pethimbo lye- talele po lye mu ELOK, muJuni 1982. Moku- shuna kwe, okwa faalele etokolo lya ELOK, Kom- binga yeuvathano epe lyoshilongatumo ku- Senegal.

Okwa yelithilwa natango kElelongeleki lya ELOK, kutya Ongeleki ndjika oyi na eitaalo kutya Etumo olyo oshinakugwanithwa shayo. Onke otayi tsikile oku shi longa shaampoka tayi mono ompito noshaasiku tayi shi vulu.

ELOK A PONYONENWA

Da dja kep. 5

“Shoka tashi pulwa ELOK, okuhumbata oshilo- nga shaatumwa ye mwene, ha okuhumbatelwa kuyalwe,” osho omukuluntutumi a yamukula li- mwe lyomomapulo ogendji ngele oyu uvite ko tuu uunyengwi wa ELOK miiniwe.

Oshilonga eshi shEtumo kuSenegal, osha hovele- lwe 1974, eshi ELOK a indilwa kEtumo laSoomi li mu kwafe ovanashilonga.


Ovatumwa ava, ova kala hava filwa oshisho kE- tumo laSoomi meemhumbwe adishe, nande ELOK naye okwa kala ngaha ha yandje ko ouma- liwa vanini.

Omudo 1977, Ehanganotumo laSoomi ola tokola liha longife vali eudafano olo lotete.

“Mupya munene otwa tokelwa shili okushiivifila ELOK, elunduluko eli la ningwa po”, osho omu- shamane Smedjebacka a tumbula kElelongeleki la ELOK nokuyandja ombili.

Osho ngaha ELOK a ponyonenwa omutengi u mu dule komapepe, ine shi lilongekidila.

Ngeenge ELOK ota ka twikila natango Etumo ku- Senegal, enyamukulo otali yandjwa ashike komao- ngalo aye. Ngeenge hasho, Ehanganotumo la- Soomi, itali ka popyulula vali.



Eumbo laNandjokwe, ovashiinda, ookaume novakwapa-ta veumbo lomundohotola Naftali Tuyoleni Hamata, eti 4.7.1982, okwa li va ongalela moshivilo shehambelelo mOnandjokwe.

Fiku olo, omundohotola Hamata okwa wanifa omido 38, vo tava shashiifa okanghelo kavu Tuyoleni Homateni.

Tuyoleni Homateni, omumati omutitatu moludalo la Ndohotola Hamata, oye yo a ningi mbushe yaxe, Naftali Tuyoleni. A shikula Hamunyela Tukondjeleni na Tuyeni Tulimanye, oshivele sheumbo.

“Eliyambo loye molwoshiwana eshi otu li shii. Otwe ku halela natango omafiku mawa komesho,” osho hamushanga womayelifilo mOngeleki, omufita Matti Amadhila a tumbulila omundohotola.

Mokati kovaenda omwa li yo omumbisofi dr. K. Dumeni neefolo laye, osho yo hamushanga wOngeleki, omufita P. Shipena neefolo laye.



Omundohotola N. T. Hamata

Poshikako shotete inapu kondwa natango

Mokati kovatalinawa vonghalo youpolotika, omu na paife eteelelo lixwepo shi dule shito, unene kombinga yemanguluko loshilongo eshi.

Nopa ehenwa yo xwepo komesho mokutambulafana omafaneko pokati ka SA na SWAPO:

Eshi osha ningifa nee oshikako oshitivali sheenghunda-fana shi kale shipu, nande osho sha kala sha tilika unene. Ashike oshikako shotete osha fyaala natango konima pehee na eudafano lasha.

Musho omu na omukalo nhumbi oshiwana tashi hoolola ovawiliki vasho.

Sha efelwa manga meenyala dangoloneyandjai wa-Suidwes-Afrika naKomufala waNamibia mewiliko la-VVO, uuna tava i moilonga yehoololo.

Ashike nande pa ehenwa ngaha komesho mondodo onhivali, ouyelele opo u li yo wa wana; kutya efimbo la diladililwa okuwanifila mo aishe ya fanekwa, ola tuka po nale.

SA. na SWAPO ova twa kumwe ehoololo li ningwe ngeno muMaalitsa 1983. Eshi otashi ti; EUDAFANO lokumweneka oita yavo, ngeno otave li shajna muJuli 1982.

Ovataleli vehoololo va fike ngeno muNamibia muAguste, Osho yo Ovanamibia aveshe ava tave uya kehoololo.

Eshi ngeno sha ningilwe ngaha, ngeno sha yandja nee efimbo leehani 7 pokati, pafaneko, domalilongekido fimbo ehoololo inali ningwa muMaalitsa 1983.

Pefimbo handi tula oshinyolwa eshi pombapila, Ombelewa yOmukwetu kai na manga ouyelele, kutya eenghunda-fana kuNew York, oda kakatela peni.

Ashike Ombelewa ei, oya shiiva oshikalimo shoshikundafanwa shondodo onhivali, omo mu liwe paife kutya;

— Okuufa omuvalu wetanga lombili la VVO (UNTAG) novanambelewa vaye.

— Okuudafana moilongo omo ve na okudja; okumona omukalo nhumbi eekamba da SWAPO muAngola na-Zambia di na okupashukilwa ketanga la VVO:

— Okumona omukalo nhumbi Ovanamibia vopondje tava alulilwa moshilongo shavo nokumona omukalo nhumbi ovakwaita va SA ve na okudja mo muNamibia.

— Okumona ovakwaita vaNamibia ve li paife metanga la SA, apa tava kala nosho tuu.

Nopauyelele ou tau ya paife mombelewa ei, ihapu yomoitwa ei, SA na SWAPO inave i ekelashi manga.

Ashike eudafano laxuuninwa otali ka kundafanwa natango, shiimba muAguste moshongalele sheengudu adishe, mwa kwatelelwa edi yo domeni.

Ashike ombelewa yOmukwetu, oya shiiva yo omukundu mupe mosheetwa po shOvauninginino, vati Ovacuba va dje mo muAngola.

Eshi osha fanekwa ku SA nosha kolekwa kuAmerika. Omudidimbe tau tuvikile shihapu moshinima eshi, osheshi SA, e shi tula kutya;

Kapu na efaneko tali tulwa moilonga, fimbo eindilo lovacuba inali wanifwa-(Adv. 21.6.1982).

Eshi osha anywa yo nee ku SWAPO okadaadaa no-kepangelo laAngola. Va pamekelwa mo koilongo yaAfrika.

Oukwatya ou, otau ningifa ashike eteelelo liwa memanguluko laNamibia, muvahapu li kale yo li fike naanaa pamwe nomalimbiulo.

Sebulon Ekandjo

Eenkali dha T. E. Tirronen na Isak Kasheeta mu Elim 25 Juli 1981

10

1

Makwegandje Toivo,
Muna gwetegameno.
Omumati omukwananzi,
To ligamene' Onzi.
Ya humbata po oondjo,
Ya dhimi po oondjo.
Wa thiki ko ku Tate,
Melago lyaTate.

2

Peha lyaAmutse Lehto,
Metumo sho we ya.
Wa lalekelw' elongo,
Wa piti ko we ya.
Iilongwa ya tothwa mo,
yomungundo yomukumo.
Owe yi (nongeke) ya nongeke,
Moshitinethele (25 years).

3

Aanona mevi lyetu,
otaa dheng' ogweki.
Ya ningi aanenentu,
miikandjo kii yi shi.
Yamwe ya mon' ompolo,
sho ya ka tsikila.
Iilongwa yolupolo,
sho ye ya yelesa.

4

Ombimbela a ndongeka,
Melaka lyaunyakwa.
A tala mu, mwiyaaka,
Momambo ga nyukwa.
Gamwe gOshindowishi,
Gamwe gOshisoomi.
Nomu ngeya "gaayamba"
Ndonga na Kwanyama.

5

So ngweye, luhuhu lwoye,
Shaas' egonga lwoye.
Lya tulwa oshipatu,
Lya nokolw' ondungu.
Omuwa ta kagunyuna,
Moondjago dhombila.
Toivo ke shi mutuntu,
Sho ta lal' a mwena.

6

Omumwaameme gwa kuku,
Muna gweyagayaga.
Gwelindi omutekulu,
Gwekamuty' oshapapa.
Nakapip' isaagela,
Yaya, pamelela.
Wi itaalelela.

7

Kamwayina Ester,
Nekulu Nanyothi.
Pamba e ku popila,
Mbang' e ku p'onyothi.
Yongula tay' adhima,
Notayi tayima.
Shipundi mUukwaaluhe,
Eha lyUunaaluhe.

8

Fudhithweni aatekulu,
Uudhigu tau hulu.
Ondjenda sho ya hulu,
Tala tatekulu.
A thika meadhimo,
A nyanyukwa ta tanta.
Nota kaluluka.

9


Isaka gwaNangula,
Mumati Sapalala.
Gondema wa taandela,
Ntana wu ukilila.
Oshili wa pundjuka,
Ndema wa kambuka.
Nena wa tetekele,
U li mondjeelela.

Isak dheng' itana,
Lume yomooyina.
Otwa li twa tegama,
Twa humbata Shuuya.
Nena u li pokati,
kaRisto naSaari.
Amuhe tamu mu tanga,
Ofoo ne mwa shanga.

11

Isak na Toivo,
Nge kwa luudh' ongaye.
Tandi ya tandi zi ko,
Tii ya nda tal' eye.
Lyuuyelele uukumithi,
Kau na olwithi.
Te katuka te tuka,
Notii kaluluka.

Jason Amakutuwa



OMUKWETU

Oye oshifo shOngeleki Onkwaevangeli paLuther yomOwa-
mbokavango.

Ohashi nyanyangidhwa mOnilpa.

Omukuluntu gwoshifo omumbisofu dr. Kleopas Dumeni,
Amushanga gwoshifo omusita Sebulon Ekandjo

Ondando yoshifo komumvo muAfrika alihe R2,60. Kombanda
yomafuta R5, 00, nondhila R6, 24.

Oondando nomambestelo agehe naga tumwe kOmukwetu,
Onilpa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000 SWA/NAMIBIA